

**Date – 14/03/2024**

**Time - 7:30 -7:40Hrs**

**REGIONAL NEWS BULLETIN**

**HEADLINES (MORNING)**

- 1. Mizoram Legislative Assembly Budget Session chu nizan khan Speaker Pu Lalbiakzama tiamchin awm lovin a ti tawp.**
- 2. Mizoram-a District khawpui hrang hrangah te DAY NULM Festival hman mek a ni.**
- 3. President Droupadi Murmu chuan Uniform Civil Code (UCC) Uttarakhand Bill, 2024 chu a pawm.**

<><><>

**ASSEMBLY**

**Ni 24 awh Mizoram Legislative Assembly Budget Session chu nizan khan Speaker Pu Lalbiakzama tiamchin awm lovin a ti tawp.**

**Feb ni 19-a tan, he session ah hian kum 2024-25 chhunga Mizoram sum hman tur cheng vbc 14,412 leh nuai 12 bakah 2023-24 a dept hrang hrang sum indaihlohna phuhrukna tur cheng vbc 3,287leh nuai 93 a pass a ni.**

**Mizoram Assembly sorkar bill pawimawh 10 a pass a, heng bill zingah mipui hnen Atanga lak tur chhiah 'Indian Stamp (Mizoram Amendment) Bill, 2024', pass a ni a, stamp duty zaa 1 lak thin chu zaa 3 ah tihpun a ni dawn a ni.**

**India leh Myanmar ramri hung tura hmalakna an duhlohna resolution pass a ni a, Speaker tarlan danin session chhung hian zawhna house a chhan chi 475 lut zinga 75 chhan a ni a, zawhna 194 chu unstarred ah leh a ni a, ziaka chhan chi 37 a lut bawk a ni.**

**Mizoram Legislative Assembly Budget Session hi Feb ni 26 khan Vice President Jagdeep Dhankhar khan chhimin thu a sawi a, House-a Vice President thusawi vawi 2-na a ni a, Vice President M Venkaiah Naidu-a pawhin Mizoram Assembly ah hian thu a lo sawi tawh a ni.**

<><><>

**DAY NULM FEST**

**Mizoram-a District khawpui hrang hrangah te Deendayal Antyodaya Yojana-National Urban Livelihood Mission DAY NULM Festival hman mek a ni a,**

**Nimin khan Lunglei Convention Centre kawtah ni 3 chhung awh tur DAY-NULM Festival chu UD&PA, Lunglei hnuai Lunglei City Mission Management Unit ten an buatsaih a. DAY-NULM Festival, 2024 hawna programme tawi hi Pi Ramdinliani Deputy Commissioner chuan a hawng a.**

DAY-NULM hnuiaia beneficiary hrang hrang ten Stall 47 hawngin, an thilsiam te chu lei theih turin an chhawpchuak a ni. Heng Stall-ah hian Handicraft te, Food processing items chi hrang hrang ei leh in chi te, baking products te, puan leh bag te leh thil dang chi hrang hrang an phochhuak a ni.

UD&PA Department Champhai hnuiaia City Mission Management Unit (CMMU) buatsaihin DAY-NULM Festival naktuk thleng awh tur chu nimin khan District Bawrhsap Pu James Lalrinchhana chuan Champhai CHANEM Complexah a hawng a.

District Bawrhsap chuan mipuite chu DAY-NULM hnuiaia hmalakna leh hamthatna awmte ngaihvena chhawr tangkai tum tur leh a tul a nih chuan thuneitute pawh zawh hrehlo turin a chah a. SHG kutchhuak te'n mipui ngaihhlut a hlawh thin thu sawiin, hralhna kawngah harsatna a awm loh nan quality tha, mawi leh lei itawm ni tura cheibawl kawngah ngaihtuahna seng turin a fuih a.

DAY-NULM Festival 2024, Exhibition-cum-Sale, Champhaia buatsaihhian Stall hrang hrang 30 siam niin, DAY-NULM hnuiaia beneficiary-te'n an thil siam leh thiam thil dehchhuahte an pho chhuak a, dawr theih turin an siam bawk a. Heng bakah hian tlawhtu naupangte tan intihlimnate siam a ni bawk.

Tun dinhmunah hian DAY-NULM Champhai hnuiaiah Self Help Group 115, anmahni enkawltu Community Organizer 2 leh Urban Resource Person 6 te awm mekin SHG te hi thla tin vawi 2 an tlawh thin a ni.

Serchhip ah chuan nimin khan Addl DC Pu James Lalnithanga chuan ni thum awh tur DAY-NULM Festival (Exhibition-cum-Sale) chu Serchhip Bazar ah a hawng.

UD&PA hian khawpui a cheng chhungkaw harsa ten leirem an rah theih nan kawng hrang hrangin hma a la a. Serchhip District-ah hian Self Help Group 91 an awm a. UD&PA hmalaknaa thiam thil chi hrang hrang training chhuak mi 2057 awm tawhin, an zinga 465 te chu hna hmuhsak tawh an ni. Self Employment programme kalflangin subsidised loan and pe chhuak a, Support to Urban Street Vendors (SUSV) hnuiaiah licence 192 pek chhuah a ni tawh bawk.

Serchhip DAY-NULM Festival ah hian stall 20 a awm a. UD&PA hnuiaia thiamthil zirchhuak te leh Self Help Group te siam chhuah thil chi hrang hrang phochhuah a ni a, a duh apiang tan lei theih a ni. He Festival hian March 15 (Zirtawpni) thleng a awh dawn a. Zing dar 10 atanga tlai dar 5 bawr vel thleng hawn thin a ni ang.

Serchhip ah hian DAY-NULM Festival hi nikum atangin neih tan a ni a. Nikum Festival ah khan cheng nuai 2.40 man hu vel hralh chhuah a ni.

Kolasib City Mission Management Unit (CMMU) huaihawtin Kolasib Venglai Bazar ah (DAY-NULM) Festival, hi nimin khan District Bawrhsap Pu John LT Sanga n a hawng.

He Festival-ah hian self help group 25 te'n an thil siam chhuah leh thar chhuah chi hrang hrangte mipui tana en theih leh lei theih turin an pho chhuak a ni.

Mamit-ah DAY NULM Festival hi Siamliana Hall ah hman a ni a. DUDO Mamit Pu Samuel Zodinsangan a hawng a ni.

Mamit khawpui chhungah hian Self Help Group 90 awmin, Area Level Federation 4 din tawh a ni a. Heng Area level federation te zinga mite hian Paper cup siamna khawlte pawh an bun tawh a ni. Thiamthil nei a zir chhuak mi tam tak an awm tawh a, Scheme for Urban Homeless hnuiaiah Mamit

Khawpui chhunga home hrang hrang ah bungrua pek thin an ni. Khawpui pawn lam atanga Mamit District Hospital-a in entirte thlenna tur Patient Attendant's Shelter sak a ni tawh bawk.

Khawzawl DAY-NULM Festivalchu Addl DC Pu Lalfakzualan nimin khan Khawzawl Govt Little Flower School ah a hawng a.

Addl DC Pu Lalfakzuala chuan ni 7 khan Tribal Artisan Empanelment Mela DC Auditorium a neih lo nih tawh thu sawiin ,he hunah hian ah Self Help atangin mi 50 chuangrural leh urban atanga chah khawm an lo ni tawh a.An thil siam te rawn kengin a sample te chu TRIFED, Regional Office Guwahati ah tam zawk a hralh chhuah theihturin endik tura kenthlak a lo ni tawh bawk a ni a ti.

DAY-NULM hi UD&PA hnuaiia Central scheme pakhat niin Khawpuia cheng mi harsa leh dinhmun hniam zawk ten an thiamthil neihte hmanga dinhmun tha zawk leh eizawna tha zawk an lo neih theih nan a kal pui a ni a.Khawzawlah hian tun dinhmunah Self help group hi 39 awm mekin,Street vendors official a in ziak lut hi 68 a awm bawk a. Beneficiaries 1000 chuang an awm tawh ni a hriat a ni bawk.

Khawzawl DAY-NULM Festival ah hian stall 23 awmin, Self Help Group ten stall 12 an luah a, Employment through Skill Training and Placement(ESTP) UD&PA hnuaiia thiamthil zir chhuak ten stall 8 luah in, abak stall 3 te chu street vendors ten an luah a, heng an thil zawrh te hi a duh apiang tan lei theih tur a pho chuuah a ni.

<><><>

## POWER MINISTER

Power and Electricity Department Minister Pu F. Rodinglana chuan khaw tin tuama nizing chakna hmanga eng pek chu tun dinhmunah Environment lam ten rem antih chiah rihloh avangin ala harsa rih a ti.

Nimin sessiona zawhna chhangin Pu Rodinglana chuan, Solar plant din turin tun dinhmunah Vantawng ah 10MW, North Vanlaiphai ah 20 MW leh Dilkhan Sumsuih ramah 5 MW leh Keifang Saitual bulah 10 MW hmalak a ni a ti a, heng bakah hian khaw thenkhatah hmalakna kalpui tum ani a ti a,khaw inkarah electric ban aia tower anga kalpui vek chu an duh ber tih sawiin tun dinhmunah sum indaihlohna avangin a harsa hrih tih a sawi.

Minister chuan hrui hlui chu thlak an duh a ti a, Housing for All hnuaiia engemaw zat an thlak thei dawn tih sawiin sawrkar laipuaiah hmalakna tur ngaihtuah mek ani a ti a, Department ah 1000 dawn post ruak a awm tih sawiin aikal lak loh tur sawrkarin a tih avangin Linemen upa deuh deuh ten bana lawn an harsat tawh a ti a, indaihlohna a tam deuh hrih tih a sawi bawk.

<><><>

## POWER - MINISTER

Power and Electricity Department Minister Pu F. Rodinglana'n Electric bill ba zawng zawng chu kumin March thla chhungin rulh vek tum ani a ti.

Nimin Assembly thutkhawm a zawhna chhangin Pu Rodinglana chuan tun dinhmunah Mizoram in eng chhitna man ba cheng vbch 144, nuai 25 sang 8760 a nei a ti a, heng hi kumin february thla ni 16 a chhinchhiah ang ani tih sawiin Generating company atangin cheng vbch 127, nuai 8 sang 9493 ani a, Transmission Company atangin cheng vbch 16, nuai 67, sing 1 sang 6173 niin

NorthEast Load Dispatch Centre (NERLDC) atangin cheng nuai 49 sing 8 sang 3094 ani a ti bawk.

Pu F. Rodingliana chuan Corporate lam a hawi tan tih sawiin an hmalakna engkimah intodelh phawta hmalak turin ruahmanna an siam a, coporate lam hawi veka hmalak ani a ti.

Minister chuan khawpui chhunga km 20 velah hrui hlui chu RDSS hnuaiah hrui thara thlak mek a ni a ti a, hemi vang hian Line pawh a thim zing a, mipui hriatthiamna an ngen tih sawiin theihtawpin department in hma a la a, transformer dah thar chhia te chu a chhiatna zawncchhuah tum a ni a ti a, Chhim lama electric hrui chu a hlui tawh avangin sum awm angin a thlakna ngaihtuah mek niin Thal chhungin thlak zawh hman theih beisei ani a ti bawk.

Minister chuan transformer indaihlohna a nasa a ti a, sawrkar tharin cheng vbch 7 in transformer lei an tum a, a mamawh zual leh a tul zual thlak an tum tih sawiin tuna transfoer awm mek zaa 68 te chu kum 20 hma lama lei tawh niin Transfoer lifetime kum 20 pel deuh vek tawh ani a ti a, MLA Fund atangin transformer lei te pawh ngaihtuahna ah a awm tih a sawi.

P&E Minister chuan bill sang chu a system diklo deuh a awm thin a ti a, system a mumal loh deuh thin avangin tih diklo a awm thin a department in an enzui dawn tih a sawi.

<><><>

## MERA PEHLE VOTE DESH KE LIYE

Kum 18 tling thar mai tur te leh tling tawh, Electoral Roll-a hming la ziak lut lo te inziak luta Lok Sabha inthlanah vote an thlak ngei theih nana fuih phurna - ‘Mera Pehla Vote, Desh Ke Liye’ chu kalpui mek a ni a.

Lok Sabha inthlan vawi 18-na lo awm turah hian a tam thei ang berin vote an thlak theih nan ngawrh taka hmalak a ni a, kawng hrang hrangin mi pawimawh leh challangten mipuite vote thlak turin an sawm a ni.

Ministry of Information and Broadcasting buatsaih ‘Mera Pehla Vote Desh Ke Liye’ hnuaiah hian ram chhunga vote thlak thei zinga a tam thei ang berin vote an thlak theih nan ruahmanna siam a ni a, kum 18 tling thar ten vote an thlak ngei theih nan beihpui thlakin a tam thei ang bera theh darh mek a ni.

<><><>

## PRESIDENT

President Droupadi Murmu chuan Uniform Civil Code (UCC) Uttarakhand Bill, 2024 chu a pawm a, he Bill hi hman a nih chuan Uttarakhand chu ramin zalenna a hmuh hnua UCC kalpui hmasa ber State a ni dawn a ni.

Social media a a tarlan dan in Chief Minister Pushkar Singh Dharami chuan President hnen atanga UCC Bill pawmpuina a dawng chu lawmawm a tih thu a sawi a, State chhunga Uniform Civil Code dan hman a nih chuan mipui zawng zawngin dikna chanvo inang an nei dawn tih sawiin, hmeichhiate thliarna leh awpbehna pawh tihtawp a nih tur thu a sawi bawk.

UCC chuan state chhunga khawtlang intluklanna pawimawhzia tarlangin inremna siamna kawngah hmun pawimawh tak a chang dawn tih a sawi bawk. kumin February ni 7 khan House-ah darkar sawm vel an sawiho hnua Uttarakhand Assembly chuan Uniform Civil Code Bill chu a pass a. UCC dan siam a nih takah chuan State chhunga mi zawng zawngin inneih, inthen, ro inhlanchhawn leh thildangah inthliarna awm lovin dikna chanvo inang an hmu dawn a ni.

<><><>